

胡漢民先生逝世

和派領袖在聖西拔斯天城締結同盟，準備革命，並組織革命委員會，而在耶加與瑪德里兩城起義，均告失敗，遂出亡國外。迨一九三一年四月十四日，革命告成，阿薩那始出任柴摩拉內閣陸軍部長，當將帝制派各軍官，一律撤職，同年繼柴摩拉之後升任總理。是時，彼實施女子參政制度，解散天主教會，收教會財產為國有，並驅逐某教派教士出境，故有時被人稱為西班牙最可恨之人。一九三三年八月，因衆議院表示不信任而辭職，自居於反對黨地位。一九三四年右派與中央派各黨推翻政府，奪得政權，阿薩那因係左派要人之一，被捕入獄。不久即行釋放，出獄後即進行反政府運動，並聯絡左派各黨極力活動。本年四月國會左翼諸黨，彈劾總統柴摩拉，柴氏去職，此次選舉，阿薩那遂繼之而為總統矣。

日遂任基羅加組閣。基羅加奉命後，新內閣遂於十三日宣告成立，由阿薩那就總統日起，至基羅加內閣成立止，前後不過三日，亦云快矣。茲將基羅加內閣閣員名單錄之如下：

內閣總理兼陸軍部長 基羅加（前公共工程部長）

海軍部長 齋羅爾（仍舊）

司法部長 卡爾松（新任）

內務部長 摩爾斯（前任原為加泰隆省省長）

公共工程部長 維拉沃（新任）

外交部長 巴西亞（仍舊）

財政部長 賴摩斯（前勞工部長）


商務部長 蒲伊拉（仍舊）

交通部長 特拉斯里沃斯（新任）

教育部長 巴奈斯（前農業部長）

上列閣員，或為左派共和黨黨員，或為左派加泰隆省自治黨黨員，或為其他左派黨團人物，蓋一純粹左派內閣也。

志剛



但結 果 卻 給 意 國 毀 了

105934

中央執行委員會常務委員會主席胡漢
嵐先生，於五月九日晚血脈忽高，突患腦溢血，
醫治無效，延至十二日下午七時四十分逝世。
當時西南執行部政務會即派鄒魯、陳融、劉紀
文、林翼中、繆培南、詹菊似等為治喪委員。即晚
九時第一次會議，決議定十三日下午四時在
中山紀念堂大殮。遺囑已由蕭佛成扶病紀錄。
五月十三日西南執行部政務會開聯席
會議，決議接受胡氏遺囑，呈請中央國府國葬
胡氏。又決在粵設胡氏治喪委員會，滬、漢、平設
辦事處；二十五、二十六、二十七三日公祭。胡氏
遺體葬京、紫金山總理陵側，推黃季陸、李仙根
赴京商國葬及擇地。

中央得胡氏逝世消息後，各負責人員莫
不哀悼異常。除即分致唁電外，並於十三日晨
政治委員會未開會前，臨時用書面提議，改開
臨時常會。即於上午九時正開會，由蔣副主席
主席。秘書處將西南執行部及政務會報告胡
主席逝世電文宣讀後，首由蔣副主席起立報
告。略謂胡主席為本黨先進及國家柱石，今不
幸逝世，同人至為悲痛。當即決議，全體起立，默
哀三分鐘。旋討論誌哀辦法，當作如下之決議：
(一)自十三日起，全國一律下半旗三日，並
停止娛樂宴會；(二)全體黨員一律左臂纏
帶黑紗三日；(三)由中央執監委員會電唁
胡主席家屬；(四)下星期一各機關紀念週
時，應舉行默哀三分鐘儀式；(五)國內外各
地黨部應召集當地機關團體，舉行追悼會。
至於中央特派赴粵致祭胡主席之代表，
則為司法院院長居正，立法院院長孫科，中央
黨部秘書長葉楚傖，監察院副院長許崇智，中
委李文範、朱家驊、傅秉常及中政會汪主席代
表褚民誼等八人，均於十九日始先後赴粵。
胡氏平生，為全國國民所敬仰，茲據黨史
編纂委員會所搜材料，編胡先生事略如次：

先生諱漢民，字展堂，號不匱室主。生於民
國紀元前三十三年，清光緒五年，西元一八七
九年。廣東番禺縣人，原籍江西吉安。早歲遊學
日本，入弘文師範科及法政大學。目擊當時國
勢岌岌，遂有革命之志。迨識總理，遂決意獻身
革命。紀元前七年（光緒三十一年），加入中
國同盟會，為本部書記長，掌盟書機密。民報出
版，為編輯主任，鼓吹革命，不遺餘力。民元前五
年（光緒三十三年），獨從總理由日本至星
加坡、西貢、至河內，設立軍事秘密機關。黃崗鎮
南關諸役失敗後，在星加坡主持中興報，宣傳
主義，結合同志。又任香港南方總支部部長，與
趙伯先、黃克強、倪映典等，計劃粵事。民元前二
年（宣統二年）正月，廣州新軍失敗，從總理
至庇能召集軍事會議，旋奉命在港設統籌部。
民元前一年（宣統三年）三月二十九日黃
花崗之役失敗，與黃興等計畫善後，圖再舉。十月
十日武昌首義，粵宣布獨立，被舉為廣東都督。
十二月總理由歐返國過粵，命從行。民國元年
一月一日，總理就大總統職，任為總統府秘書
長。四月解職，旋赴粵復任廣東都督，兼民政長，
並為同盟會粵支部部長。是年宋教仁提議改
為國民黨，力辭支部部長不獲。二年，袁世凱暗
殺宋教仁，復借外債三萬萬，爰與李烈鈞、譚延
闓、柏文蔚等嚴電抗議。討袁師起，奉總理命至

滬。三年，總理改組國民黨爲中華革命黨，並自爲誓書，使與陳英士監督，專任本部政治部長，編輯民國雜誌。四年，贊助總理使朱執信、鄧仲元至港圖粵，五年至小呂宋籌餉。陳英士舉義上海，奪肇和，殺鄭汝成，收江陰要塞。奉總理令至滬。袁世凱死，黎元洪繼任，奉總理命偕廖仲愷至平視察。六年，段祺瑞嗾督軍團叛變，解散國會。總理命至粵桂，促兩省獨立。張勳復辟，總理率海軍護法，國會議員開會於廣州，成立大元帥府，任爲交通部長。未幾，粵省議會又推爲廣東省長，辭不就。九年在滬編輯建設雜誌。十年五月國會再舉總理爲大總統，任總參議。總理北伐督師桂林，任大本營祕書長，兼文官長，政治部長。十一年陳炯明反對北伐，從總理還師粵垣，免陳炯明職，改道從北江征贛。既克贛州，陳炯明所部猝變。總理登兵艦討陳時奉命守大本營，即前行與許崇智、朱培德、李登同反攻韶關。十二年奉命回粵，驅陳炯明，任粵省長。總理回粵，旋任大本營總參議。改組本黨時，奉令至滬，與廖仲愷、汪精衛爲籌備員。十三年第

一次全國代表大會，被選爲中央執行委員，任上海執行部組織部長。總理有疾，令回粵，任中央執委會常委，政治會議委員。商團事起，令爲粵省長，仍兼大本營祕書長。總理督師北伐，留守任行大元帥職權。十月，以省長名義繳商團械，全市復業。總理此行時，授以北伐及征東江方略，代理政治會議主席，及軍事委員會主席。十四年東征，黨軍及粵軍已定潮汕，總理薨於北平。既而滇桂軍謀變，其重兵皆在省垣附近，移大本營於河南，檄調黨軍粵軍與譚延闓、朱培德等之師討平之。改組國府，任政府常委，兼任外交部長，仍代理政治會議主席。九月，奉中央執委會令，前往蘇俄。十五年二次全國代表大會，仍被舉爲中央執行委員，復被選爲常委，兼政治會議委員。四月歸國，以病居滬。十六年革命軍克復東南，與中委蔣介石、吳稚暉諸同志，定計清黨，定都南京，被推爲中央宣傳部長，政治會議主席，及國府主席，軍委會常委。更與中委蔣介石、吳稚暉諸同志去職離京。十七年以國府命，與孫科、伍朝樞往歐考察。八月回國，

任國府委員兼立法院長。十八年第三次全國代表大會，被舉爲中央執行委員。第一次執行委員會，推爲常委，並爲政治會議委員，仍兼立法院長。二月二十八日去職。二十年第四次全國代表大會，仍被選爲中央執行委員，復被推爲常委，兼中政會常委。二十年十月十四日離京赴滬，十一月復離滬赴粵，同月當選爲四屆中央執行委員。一中全會開會，復被選爲國府委員及中政會常委。以體弱多病，留港調治，對國事仍極關懷。二十四年六月，赴歐洲考察。旋赴法國南部休養。十一月五全大會，被選爲中央執行委員。十二月一中全會，選爲常委兼主席。在法接全會主席團電促回國，即由法起程，於本年一月十九日返抵港。中央復推派居正、葉楚傖、陳策南下迎迓。因健康未全復，體弱畏寒，未及北上，即留粵養病。五月十二日下午七時四十分，竟以腦充血症遽爾逝世，享年五十八歲。生平對革命著述極富，均已行世。善詩文，著有不匱室詩鈔，夫人陳淑子，女公子木蘭，均能克承遺志焉。